

VI. ANUNCIOS**A) ADMINISTRACIÓN AUTONÓMICA****CONSELLERÍA DO MAR**

RESOLUCIÓN do 3 de xuño de 2026 pola que se autoriza a transmisión inter vivos da concesión administrativa da batea R.A. IV.

Antecedentes:

1. O día 25 de marzo de 2026, David Sánchez Bermúdez, José Gerardo Sánchez Silva e Ana Rocío Laíño Tubío solicitaron autorización para a transmisión *inter vivos* da concesión administrativa da batea R.A. IV.

2. As persoas interesadas achegaron a documentación requirida para a súa tramitación.

Consideracións legais e técnicas:

1. Este órgano é competente para resolver o expediente de conformidade coa Lei 11/2008, do 3 de decembro, de pesca de Galicia (DOG núm. 243, do 16 de decembro), e coa Orde do 21 de febreiro de 2022 sobre delegación de competencias en diversos órganos de dirección da Consellería do Mar e na Presidencia da entidade pública empresarial Portos de Galicia (DOG núm. 41, do 1 de marzo).

2. O expediente seguiu todos os trámites establecidos no procedemento administrativo común, coas especialidades previstas no Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia (DOG núm. 228, do 21 de novembro), e na Orde do 15 de xuño de 1999 pola que se regula o procedemento para a transmisión da titularidade das concesións dos viveiros de cultivos mariños nas augas de Galicia (DOG núm. 126, do 2 de xullo).

De acordo con todo o indicado,

RESOLVO:

Autorizar a transmisión *inter vivos* da concesión administrativa do seguinte viveiro:

Tipo: batea.

Nome: R.A. IV.

Situación:

Cuadrícula nº: 137.

Polígono: C.



Distrito: Cambados (Pontevedra).

Especie autorizada: mexillón (*Mytilus galloprovincialis*).

Título habilitante: concesión de actividade.

Orde de outorgamento: 30.4.1968.

Remate da vixencia: 15.12.2029.

Actuais titulares: David Sánchez Bermúdez (**8729**), José Gerardo Sánchez Silva (**6718**) e Ana Rocío Laiño Tubío (**6954**).

Nova titular: Mejilloneras Sánchez, S.L. (B26677062).

Baixo as seguintes condicións:

Primeira. Os actuais titulares deberán presentar, no prazo máximo dun mes contado desde o día seguinte ao da publicación desta resolución no *Diario Oficial de Galicia*, a seguinte documentación:

a) Documento notarial da transmisión ou doazón.

b) Xustificante do pagamento do imposto sobre transmisións patrimoniais e actos xurídicos documentados ou sobre sucesións e doazóns.

Segunda. Transcorrido o prazo indicado na condición primeira sen ter presentado a documentación requirida, a autorización quedará sen efecto, logo de comunicación por parte da consellería.

Terceira. A nova titular da concesión queda subrogada nos dereitos e nas obrigas dos anteriores desde o momento da formalización da transmisión en escritura pública.

Contra esta resolución, que esgota a vía administrativa, poderase interpoñer recurso potestativo de reposición no prazo dun mes ante a conselleira do Mar, ou recurso contencioso-administrativo, ante a xurisdición contencioso-administrativa, no prazo de dous meses, contados en ambos os dous casos desde o día seguinte ao da súa publicación, de conformidade co disposto no artigo 123 da Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro), e no artigo 46.1 da Lei 29/1998, do 13 de xullo, reguladora da xurisdición contencioso-administrativa (BOE núm. 167, do 14 de xullo).

Vigo, 3 de xuño de 2026

A conselleira do Mar
P.D. (Orde do 21.2.2022; DOG núm. 41, do 1 de marzo)
María Elena Suárez Sarmiento
Directora territorial de Vigo

CVE-DOG: ljo6e8b7-6nm4-uli4-tad0-xt2advje7en5

